



ქალაქ ფოთის მუნიციპალიტეტის საკრებულო



განკარგულება № 11/49

2022 წლის 20 სექტემბერი

ქალაქი ფოთი

არასამეწარმეო (არაკომერციული) იურიდიული პირის - თვითმმართველი ქალაქ ფოთის სკოლამდელი სააღმზრდელო გაერთიანების დირექტორის ანგარიშის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსი“ 106<sup>1</sup> მუხლის მე-15 პუნქტის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2022 წლის 31 იანვრის №1/5 დადგენილებით დამტკიცებული რეგლამენტის 118-ე მუხლის შესაბამისად, მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის ანგარიშს საკრებულოს თავმჯდომარის მიერ დადგენილი რიგითობის მიხედვით განიხილავს საკრებულოს შესაბამისი კომისია, საკრებულოს ბიურო და საკრებულო.

აღნიშნულიდან გამომდინარე:

**მუხლი1.**

ცნობად იქნეს მიღებული არასამეწარმეო (არაკომერციული) იურიდიული პირის - თვითმმართველი ქალაქ ფოთის სკოლამდელი სააღმზრდელო გაერთიანების დირექტორის ანგარიში (ანგარიში თან ერთვის)

**მუხლი2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3)

**მუხლი3.** განკარგულება ძალაშია ხელმოწერისთანავე.

საკრებულოს თავმჯდომარე



ალექსანდრე ტყეშუაშვილი

ა(ა)იპ თვითმართველი ქალაქ ფოთის სკოლამდელი სააღმზრდელო გაერთიანება

საანგარიშო პერიოდი

01.01.2022 წ-15.09. 2023 წ

ადრეული და სკოლამდელი აღზრდისა და განათლების დაწესებულებების შექმნა და მათი ფუნქციონირების უზრუნველყოფა მუნიციპალიტეტის საკუთარ (ექსკლუზიურ) უფლებამოსილებას წარმოადგენს.

სახელმწიფოს და მუნიციპალიტეტის მოვალეობაა აღსაზრდელების სიცოცხლის, ჯანმრთელობის, უფლებების დაცვა, სკოლამდელი აღზრდა და მათთვის კომფორტული, უსაფრთხო და ესთეტიური გარემოს შექმნა. შესაბამისად, მუნიციპალიტეტი უზრუნველყოფს სკოლამდელი აღზრდის დაწესებულებების შეუფერხებელი ფუნქციონირებისათვის საჭირო დაფინანსებას და ყველა სხვა ღონისძიების გატარებას. ქალაქ ფოთის მუნიციპალიტეტის ერთ-ერთ ძირითად პრიორიტეტს სწორედ მუნიციპალიტეტში მცხოვრები ბავა-ბაღის ასაკის ბავშვებისათვის, სკოლამდელი აღზრდის ხელმისაწვდომობა წარმოადგენს.

ქალაქ ფოთში ფუნქციონირებს 15 სკოლამდელი აღზრდის დაწესებულება, 70 ჯგუფი, მათ შორის სასკოლო მზაობის 22 ჯგუფი, სადაც სააღმზრდელო პროცესს გადის 1570 შესაბამისი ასაკის ბავშვი. ბავა-ბაღებში დასაქმებულია 377 თანამშრომელი, მათ შორის 160 აღმზრდელი. ყველა სკოლამდელ დაწესებულებას ემსახურება ექთანი. 15 საბავშვო ბაღს ემსახურება 2 ფსიქოლოგი და 4 ლოგოპედი.

სკოლამდელი გაერთიანება უზრუნველყოფს ბავშვების სკოლამდელ აღზრდას, განათლებას, 3-ჯერად კვებას, კომუნალურ გადასახადებს, მათ შორის გათბობის ხარჯებს და აღნიშნული სერვისი სრულიად უფასოა ბავშვებისათვის.

სკოლამდელი აღზრდა წარმოადგენს რა თვითმმართველობის საკუთარ (ექსკლუზიურ) უფლებამოსილებას, ქალაქ ფოთის მუნიციპალიტეტი ყოველწლიურად ბიუჯეტში ითვალისწინებს მნიშვნელოვან თანხას. კერძოდ, 2022 წლის ადგილობრივ ბიუჯეტში სკოლამდელი გაერთიანების დაფინანსება განისაზღვრა 3 365 200 ლარით, 2023 წლის ადგილობრივ ბიუჯეტში სკოლამდელი გაერთიანების დაფინანსება განისაზღვრა 3 800 000 ლარით, აღნიშნული თანხები მოიცავს პერსონალის შრომით ანაზღაურებას, ბავშვთა კვების, კომუნალურ და სხვა ხარჯებს.

2022 წელს სკ/ს გაერთიანების ბიუჯეტი განისაზღვრა 3 365 200 ლარით, ათვისება 3 362 760 ლარი, მათ შორის:

1. შრომის ანაზღაურება---გეგმით--2 569 800 ლარი ( 376 თანამშრომელი) ,

ათვისება 2 569 719 ლარი;

2. შტატგარეშე მომუშავეთა ანაზღაურება (8 თანამშრომელი)--გეგმით -57 400 ლარი;

ათვისება 57 325 ლარი;

3. ოფისის ხარჯები: (საკომუნიკაციო, საკანცელარიო, გზავნილების, კომპიუტერების და ინტერნეტმომსახურების, კომპიუტერული აქსესუარების, მიმდინარე სარემონტო ხარჯები)—გეგმით 14 000 ლარი, ათვისება 13 849 ლარი
4. კვების ხარჯები--- გეგმით 369 700 ლარი, ათვისება 367 812 ლარი
5. სამედიცინო ხარჯები---გეგმით 1 800 ლარი, ათვისება 1 737 ლარი;
6. რბილი ინვენტარი --- (საფარდე ქსოვილის, ხალიჩების, ლეიბების შეძენა) გეგმით-5 000 ლარი, ათვისება 4 972 ლარი;
7. სხვა დანარჩენი გეგმით- 316 000 ლარი. ათვისება 315 965 ლარი მ. შ (სარემონტო მასალის, სამეურნეო და ჰიგიენური საქონელი. სასმელი წყლის და წყალარინების გადასახადი. ბუნებრივი აირის, თხევადი გაზის, ელექტროენერგიის გადასახადი. საკანცელარიო ხარჯები. სამზარეულოს ინვენტარის შეძენა და სხვადასხვა მომსახურება ( სასმელი წყლის ლაბორატორიული კვლევა და სხვა.);
8. სოციალური უზრუნველყოფა- გეგმით 25 400 ლარი, ათვისება 25 301 ლარი
10. სხვა ხარჯები (ტერიტორიის დასუფთავების მოსაკრებელი)- გეგმით 1 100 ლარი, ათვისება 1080 ლარი;
11. არაფინანსური აქტივები გეგმით 5 000 ლარი. ათვისება 5000 მ. შ (შეძენილია N 7სკ/ს 2 ერთეული გათბობის ქვაბი 4250 ლარი, გამათბობელი (გაერთიანების ადმინისტრაციისთვის)- 750 ლარი).

2023 წელს სკ/ს გაერთიანების ბიუჯეტი განისაზღვრა 3 783 300 ლარი, ათვისება 2 577 073 ლარი ( 15.09.2023 მდე)

1. შრომის ანაზღაურება- გეგმა 2 968 000 ლარი ( 377 თანამშრომელი), ათვისება 2 012 587 ლარი
2. შტატგარეშე მომუშავეთა ანაზღაურება (8 თანამშრომელი) ---გეგმა-66 700 ლარი, ათვისება 38 051 ლარი
3. მივლინება --გეგმა-500 ლარი, ათვისება 200 ლარი
4. ოფისის ხარჯები: (საკომუნიკაციო, საკანცელარიო, გზავნილების, კომპიუტერების და ინტერნეტმომსახურების, კომპიუტერული აქსესუარების, მიმდინარე სარემონტო ხარჯები)—გეგმა- 20 000 ლარი, ათვისება 13 035 ლარი;
5. კვების ხარჯები--- გეგმა- 468 300 ლარი, ათვისება 275 076 ლარი;
6. სამედიცინო ხარჯები--გეგმა-2 700 ლარი;
7. რბილი ინვენტარი --- (საფარდე ქსოვილის, ხალიჩების, ლეიბების შეძენა)-- გეგმა- 5 000 ლარი
8. სხვა დანარჩენი-გეგმა-226 000 ლარი. ათვისება -218 633 ლარი (სარემონტო მასალის, სამეურნეო და ჰიგიენური საქონელი. სასმელი წყლის და წყალარინების გადასახადი. ბუნებრივი აირის, თხევადი გაზის, ელექტროენერგიის გადასახადი. საკანცელარიო ხარჯები. სამზარეულოს ინვენტარის შეძენა და სხვადასხვა მომსახურება ( სასმელი წყლის ლაბორატორიული კვლევა და სხვა.);
9. სოციალური უზრუნველყოფა--გეგმა-25 000 ლარი, ათვისება 18 779 ლარი
10. სხვა ხარჯები (ტერიტორიის დასუფთავების მოსაკრებელი)--- გეგმა- 1 100 ლარი, ათვისება 712 ლარი.

2022 წლის თებერვლიდან კვების დღიური თანხა თითოეულ აღსაზრდელზე 2.5 ლარიდან 2.8 ლარამდე გაიზარდა.

2023 წელს კვების დღიური თანხა გაიზარდა და თითოეულ აღსაზრდელზე შეადგენს 3,3 ლარს.

2022-2023 წლებში ქ. ფოთის სკოლამდელ სააღმზრდელო დაწესებულებებში განხორციელდა მნიშვნელოვანი ინფრასტრუქტურული პროექტები; რომელიც დაფინანსდა როგორც სახელმწიფო და ადგილობრივი ბიუჯეტიდან:

განხორციელდა N17 სკოლამდელი დაწესებულების (მის: ქ.ფოთი, თამარ მეფის ქ. N54) შემომფარგლავი ღობის, ეზოს კეთილმოწყობის და დამხმარე ნაგებობის მშენებლობა. პროექტის ღირებულება **84 814 ლარი**.

**N17 სკ/ს დაწესებულების რეაბილიტაციის დასრულების შემდგომ** სკოლამდელი სააღმზრდელო გაერთიანების მიერ შექმნილი იქნა ახალი ავეჯი და ინვენტარი. რომლის ღირებულებამ შეადგინა **33 394 ლარი**.

საქართველოს მუნიციპალური განვითარების ფონდის მიერ, აზიის განვითარების ბანკის დაფინანსებით, ბარათაშვილის ქუჩაზე სრულდება 100 აღსაზრდელზე გათვლილი, 4 ჯგუფიანი, თანამედროვე სტანდარტების მქონე საბავშვო ბაღის მშენებლობა. პროექტის ღირებულება შეადგენს **3 884 993 ლარს**. სამუშაოებს აწარმოებს კომპანია „პრაიმ ბეტონი“.

აღნიშნული სკოლამდელი დაწესებულებისათვის საჭირო ავეჯის, საყოფაცხოვრებო ინვენტარის, ტექნიკის, აღჭურვილობის შექმნას განახორციელებს ქალაქ ფოთის მუნიციპალიტეტი.

2022 წლის თებერვლიდან, საქართველოს კანონის „სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსი“ მე-17<sup>1</sup> მუხლის, „ტექნიკური რეგლამენტების – „სურსათის/ცხოველის საკვების ჰიგიენის ზოგადი წესისა“ და „სურსათის/ცხოველის საკვების ჰიგიენის გამარტივებული წესის“ დამტკიცების თაობაზე“ საქართველოს მთავრობის 2010 წლის 25 ივნისის №173 დადგენილების მე-3 მუხლის „ბ“ ქვეპუნქტის თანახმად, ა(ა)პ-თვითმმართველი ქალაქ ფოთის სკოლამდელი სააღმზრდელო გაერთიანების სკოლამდელ სააღმზრდელო დაწესებულებებში, სურსათის უვნებლობის პროცედურების დანერგვის, საფრთხის ანალიზისა და კრიტიკული საკონტროლო წერტილების (HACCP) სისტემის პრინციპების შესაბამისად, განხორციელდა ა(ა)პ-თვითმმართველი ქალაქ ფოთის სკოლამდელი სააღმზრდელო გაერთიანების, 15-ვე სკოლამდელ სააღმზრდელო დაწესებულებაში HACCP კვლევის ჩატარება, HACCP სისტემის შემუშავება და დანერგვა.

მოგეხსენებათ, ნებისმიერი სკოლამდელი აღზრდის დაწესებულება, (სახელმწიფო თუ კერძო), ვალდებულია გაიაროს ავტორიზაცია, საქართველოს მთავრობის მიერ სკოლამდელ განათლებასთან დაკავშირებული სახელმწიფო სტანდარტებისა და ტექნიკური რეგლამენტის შესაბამისად.

ავტორიზაცია არის ადრეული და სკოლამდელი აღზრდისა და განათლების დაწესებულების სტატუსის მოპოვების პროცედურა. რომლის მიზანია ადრეული აღზრდისა და განათლების ან/და სკოლამდელი აღზრდისა და განათლების მომსახურების მიწოდებისათვის ან მხოლოდ სასკოლო მზაობის პროგრამის განხორციელებისათვის აუცილებელი სტანდარტების დაკმაყოფილების უზრუნველყოფა. ავტორიზაციის სტანდარტი არის სახელმწიფოს მიერ

დადგენილი მოთხოვნა, რომელსაც უნდა აკმაყოფილებდეს დაწესებულება შესაბამისი მომსახურების მიწოდების განსახორციელებლად. საბავშვო ბაღების ავტორიზაციის პროცესი უნდა დასრულდეს 2030 წელს. ამასთან, ბაღების ავტორიზაციის პროცესის ორგანიზებას ადგილობრივი თვითმმართველობების ნაცვლად, განათლების ხარისხის განვითარების ეროვნული ცენტრი უზრუნველყოფს. განსახორციელებელი ქმედებები მოიცავს გარდამავალ პერიოდს - 2023 წლიდან 2030 წლამდე. სკოლამდელი დაწესებულების ავტორიზაციის რეფორმა, მოიცავს როგორც სკოლამდელი დაწესებულებების ინფრასტრუქტურის ტექნიკურ რეგლამენტთან შესაბამისობაში მოყვანას, ასევე დასაქმებული პერსონალის კვალიფიკაციის ამაღლებას და კანონით განსაზღვრული კვალიფიკაციის მქონე პერსონალის ფორმირებას.

#### ავტორიზაციის სტანდარტებია:

ა) დაწესებულების მისია და სტრატეგიული განვითარება;

ბ) კურიკულუმი;

გ) ოჯახისა და თემის ჩართულობა;

დ) სააღმზრდელო და საგანმანათლებლო პროცესის მხარდაჭერა.

სააღმზრდელო და საგანმანათლებლო პროცესის მხარდაჭერასთან დაკავშირებული სტანდარტი მოიცავს შემდეგ კომპონენტებს: პერსონალის მართვას და განვითარებას; პროცესების მართვას; მატერიალურ რესურსებს; კვების ორგანიზებას და კვებითი რაციონს; სანიტარულ-ჰიგიენური ნორმებს; ფიზიკური და ემოციური უსაფრთხოებას; ფინანსურ რესურსებს.

აღნიშნული სტანდარტები ხელს შეუწყობს ბავშვზე ორიენტირებული საგანმანათლებლო პროცესის ჩამოყალიბებას, რომელიც მიმართულია ბავშვის განვითარებაზე, პასუხობს მის ინტერესებსა და საჭიროებებს და უზრუნველყოფს უსაფრთხო და ბავშვზე მორგებული გარემოს შექმნას. წყლის, სანიტარული და ჰიგიენური პირობების გაუმჯობესებას და ბავშვების სათანადო კვებით უზრუნველყოფას.

„ადრეული და სკოლამდელი აღზრდისა და განათლების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის შესაბამისად, საქართველოს განათლებისა და მეცნიერების მინისტრის 2020 წლის 28 ივნისის №68/ნ ბრძანებით დამტკიცებული „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით, სავალდებულოა აღმზრდელთა გადამზადება.

„ადრეული და სკოლამდელი აღზრდისა და განათლების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის შესაბამისად, საქართველოს განათლებისა და მეცნიერების მინისტრის 2020 წლის 28 ივნისის №68/ნ ბრძანებით დამტკიცებული „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით, ქალაქ ფოთის მუნიციპალიტეტის სკოლამდელი სააღმზრდელო დაწესებულებებში დასაქმებული აღმზრდელების გადამზადება, რომლებიც აკმაყოფილებენ საკვალიფიკაციო მოთხოვნებს, განხორციელდება ეტაპობრივად, 2024 წლის 1 ოქტომბრამდე. აღმზრდელთა გადამზადების ხარჯები გათვალისწინებული იქნება 2023-2024 წლის ქალაქ ფოთის მუნიციპალიტეტის ბიუჯეტში. აღსანიშნავია, რომ იმ აღმზრდელთათვის, რომელთაც ამ ეტაპზე არ გააჩნიათ შესაბამისი კვალიფიკაცია, კერძოდ უმაღლესი განათლება ან პროფესიული განათლება სკოლამდელი აღზრდის სფეროში, აქვთ შესაძლებლობა, პროფესიულ კოლეჯ „ფაზისში“ პროფესიული საგანმანათლებლო პროგრამის „სკოლამდელი აღზრდის“ დასრულებისთანავე, გაიარონ გადამზადება „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით და შემდგომ აღმზრდელ-პედაგოგის სტატუსის

მოპოვება. რამდენიმე დასაქმებულმა უკვე წარმატებით გაირა აღნიშნული საგანმანათლებლო პროგრამა.

მოგახსენებთ, რომ „ადრეული და სკოლამდელი აღზრდისა და განათლების შესახებ“ საქართველოს კანონის 28-ე მუხლის მე-8 პუნქტის საფუძველზე, შემუშავდა ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის გავლის, აგრეთვე დაწესებულების ავტორიზაციის შეჩერებისა და შეწყვეტის წესი.

პირველადი რეგისტრაციის მიზნით, 2022 წლის პირველ ივლისს, ამოქმედდა შესაბამისი ელექტრონული სისტემა და სტატუსის მოპოვების მიზნით, დაწესებულებები უნდა დარეგისტრირებულიყვნენ განათლების მართვის საინფორმაციო სისტემის ბაზაში 2022 წლის პირველი ივლისიდან, არაუგვიანეს, 2023 წლის პირველ იანვრამდე.

პირველადი რეგისტრაცია წარმატებით გაიარა ქალაქ ფოთის თხუთმეტივე საჯარო საბავშვო ბაღმა.

ამის შემდგომ, 2024 წლის პირველ იანვრამდე, რეგისტრირებული დაწესებულებები ვალდებული არიან, განათლების ხარისხის განვითარების ეროვნულ ცენტრში წარადგინონ თვითშეფასება, დროებითი წესის შესაბამისად. თვითშეფასების ანალიზზე დაყრდნობით, განათლების ხარისხის განვითარების ეროვნული ცენტრის წინადადების საფუძველზე, 2024 წლის პირველ ოქტომბრამდე, განათლების მინისტრის ბრძანებით, დამტკიცდება რეგისტრირებული დაწესებულებების ავტორიზაციის გავლის გრაფიკი.

თვითშეფასების ეტაპიც წარმატებით გაიარა ქ. ფოთის 15-ვე საჯარო სკოლამდელმა სააღმზრდელო დაწესებულებამ.

2024 წლიდან განხორციელდება საბავშვო ბაღების თვითშეფასებიდან მიღებული საჭიროების ანალიზი და ბაღების მხარდაჭერა მათი საჭიროებების მიხედვით მოხდება. ადრეული და სკოლამდელი აღზრდის დაწესებულებების ეტაპობრივი ავტორიზაცია 2025-2030 წლებში განხორციელდება. საბავშვო ბაღებს ავტორიზაცია, მათი მზაობის მიხედვით, წლების მიხედვით, რიგითობით მოუწევთ.

მოგახსენებთ ქ. ფოთის სკოლამდელი დაწესებულებების ინფრასტრუქტურა მოითხოვს ძირეულ ცვლილებებს. აქამდე განხორციელებული პროექტები შეირჩა, ბაღებში აღსაზრდელების რაოდენობიდან, შენობების ლოკაციიდან და ინფრასტრუქტურული მდგომარეობიდან გამომდინარე. შესაბამისად პრიორიტეტულად დაიგეგმა სარეაბილიტაციო სამუშაოები და განხორციელდა N5 ბაღის მშენებლობა (მის. 9 აპრილის ხეივანი N4ა) და N12 (მის. კიკალიშვილის ქ. 4ა) და N17 სკოლამდელი დაწესებულებების (მის. თამარ მეფის ქ. N54) სარეაბილიტაციო სამუშაოები.

საქართველოს მუნიციპალური განვითარების ფონდის მხარდაჭერით, განხორციელდა ქალაქ ფოთში არსებული სკოლამდელი დაწესებულებების ინფრასტრუქტურული მდგომარეობის შესწავლა, შეფასება და მომზადდა ნუსხა ასაშენებელი და სარეაბილიტაციო სკოლამდელი დაწესებულების შესახებ. აღნიშნული ინფორმაცია მიეწოდა სამეგრელო- ზემო სვანეთის სამხარეო ადმინისტრაციას და საქართველოს მუნიციპალური განვითარების ფონდს. განისაზღვრა ეტაპობრივი გეგმა ქ.ფოთის სკოლამდელი დაწესებულებების რეაბილიტაციის და მშენებლობების შესახებ.

პირველი რიგის ღონისძიებად დაისახა N1 სკოლამდელი დაწესებულების მშენებლობა (მის. 26 მაისის ქ. N6) და N10 სკოლამდელი დაწესებულების (მის. მარჯანიშვილის ქ. N17), N11 სკოლამდელი დაწესებულების (მის. გელა ჯიქიას ქ. N3) და N16 სკოლამდელი დაწესებულების (მის. თამარ მეფის ქ. N102) სრული რეაბილიტაცია-რეკონსტრუქცია. აღნიშნული სკოლამდელი დაწესებულებები შეირჩა, ბაღებში აღსაზრდელების

რაოდენობიდან, შენობების ლოკაციიდან და არსებული ინფრასტრუქტურული მდგომარეობიდან გამომდინარე.

2020 წლის 18 ივნისს ქალაქ ფოთის მუნიციპალიტეტის მერიის დაკვეთით, სსიპ სამხარაულის სახელობის ექსპერტიზის ეროვნული ბიუროს ექსპერტების მიერ, შესწავლილი იქნა N1 სკ/ს დაწესებულების (მის. 26 მაისის ქ. N6) მდგომარეობა. რომელიც აშენებულია 1937 წელს. საექსპერტო დასკვნით, შენობის ტექნიკური მდგომარეობა შეფასდა არაადამაკმაყოფილებლად და შენობის შემდგომი ექსპლუატაცია მიჩნეული იქნა არამიზანშეწონილად. აღსაზრდელების და სკ/ს დაწესებულების თანამშრომელთა უსაფრთხოებიდან გამომდინარე, მიღებულ იქნა გადაწყვეტილება, N1 ბაღის აღსაზრდელები და პერსონალი, დროებით გადაგვეყვანა N12 სკ/ს დაწესებულებაში (მის. კიკალიშვილის ქ. 4ა), ახალი საბავშვო ბაღის აშენებამდე.

ამ ეტაპზე ქ. ფოთის მუნიციპალიტეტმა განახორციელა N1 სკ/ს დაწესებულების შენობის დემონტაჟი და მიმდინარეობს ტერიტორიიდან სამშენებლო ნაგვის გატანის პროცესი. ამასთანავე N1 ბაღის არსებული ტერიტორია შეადგენდა 3189 კვ.მ (ს.კ 04.02.08.252). 2023 წლის აგვისტოში განხორციელდა N1 საბავშვო ბაღისთვის, დამატებით 454 კვ.მ ტერიტორიის მიერთება (ს.კ. 04.02.17.511), ავტორიზაციის სტანდარტების მოთხოვნების შესაბამისად.

საქართველოს მუნიციპალური განვითარების ფონდის მიერ მომზადდა ახალი ხუთჯგუფიანი ბაღის შენობის პროექტი და მიმდინარე წელს გამოცხადდება ახალი საბავშვო ბაღის მშენებლობის ტენდერი, N1 ბაღის ტერიტორიაზე, მის: 26 მაისის ქ. N6.

რაც შეეხება სრული რეაბილიტაცია-რეკონსტრუქციის პროექტებს, ერთი ხელშეკრულების ფარგლებში, Design-Build მეთოდით, 15.08.2023 წ. საქართველოს მუნიციპალური განვითარების ფონდის მიერ გამოცხადდა ქ. ფოთის მუნიციპალიტეტის N10, N11 და N16 საბავშვო ბაღების რეკონსტრუქცია-რეაბილიტაციისთვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე შესაბამისი სამუშაოების შესრულების სახელმწიფო შესყიდვა. შესყიდვის N- **NAT230016748.**

სამწუხაროდ ტენდერი დასრულდა უარყოფითი შედეგით. ტენდერი აღნიშნული ბაღების რეაბილიტაციაზე, ხელახლა გამოცხადდება 2023 წელს საქართველოს მუნიციპალური განვითარების ფონდის მიერ.

სასწავლო-სააღმზრდელო პროცესის შუფერხებელი ფუნქციონირებისათვის, ბაღების მშენებლობის ან რეკონსტრუქცია-რეაბილიტაციის პერიოდში, აღნიშნული ბაღების აღსაზრდელები და პერსონალი გადავლენ ახლომდებარე ბაღებში, რეაბილიტაციის პროცესის დასრულებამდე.

2023-2024 სასწავლო-სააღმზრდელო წელი დაიწყება 15 სექტემბერს. სასწავლო წლის დაწყებამდე 15-ვე საბავშვო ბაღი მომარაგდება საკვები პროდუქტებით, სამეურნეო და საკანცელარიო საქონლით. განხორციელდა სკ/ს დაწესებულებების სამხარეულო და სასაწყობო სივრცეების დეზინფექცია-დერატიზაცია, ჩატარდა სამელი წყლის ლაბორატორიული კვლევა. სურსათის ეროვნული სააგენტოს შენიშვნების შესაბამისად, ახალი სასწავლო წლის დაწყებამდე სკოლამდელ დაწესებულებებში შესრულდა მცირე კოსმეტიკური სამუშაოები და დამონტაჟდა მწერსაწინააღმდეგო ბადეები.

2023 წლის 01 მარტიდან ქ. ფოთის სკოლამდელი სააღმზრდელო გაერთიანება ჩაერთო ელექტრონული მმართველობის ერთიან სისტემაში და ახლო მომავალში ვაპირებთ აღსაზრდელთა ელექტრონული რეგისტრაციის დანერგვას.

პოზიტიური სააღმზრდელო და საგანმანათლებლო გარემოს შექმნის და სკოლამდელი აღზრდის სერვისის გაუმჯობესების მიზნით, მიზანშეწონილია დამატებითი ფინანსური რესურსების მობილიზება, ქ. ფოთის საბავშვო ბაღების ტექნიკური რეგლამენტის

სტანდარტის შესაბამისობაში მოსაყვანად. ასევე უმნიშვნელოვანესია, სასკოლო მზაობის პროცესის სრულფასოვნად წარმართვისთვის ბაღებისათვის შესყიდულ იქნას საჭირო ინვენტარი, სასწავლო და დამხმარე მასალა. განხორციელდეს აღმზრდელ-პედაგოგების გადამზადება, კვალიფიკაციის ამაღლება და მოხდეს კანონით განსაზღვრული კვალიფიკაციის მქონე პერსონალის ფორმირება. დაგეგმილი რეფორმების საპასუხოდ მნიშვნელოვანია, ბაღებში დაინერგოს აღმზრდელ-პედაგოგების უწყვეტი განათლების უზრუნველყოფის სისტემა.

მიზანშეწონილია 2024 წლისათვის გაიზარდოს აღსაზრდელთა კვების დღიური თანხა. ამ ეტაპზე ბაღებში არის მხოლოდ სამი ძირითადი კვება (საუზმე, სადილი, სამხარი) ნაცვლად სამი ძირითადი კვებისა და ორი წახემსებისა.

ავტორიზაციის სტანდარტების დანერგვა, უზრუნველყოფს სკოლამდელი განათლების ხელმისაწვდომობის გაზრდას ყველა ბავშვისთვის; ასევე განათლების ხარისხის გაუმჯობესებას სკოლამდელი დაწესებულებების პერსონალის უწყვეტი პროფესიული განვითარების გზით.

აღნიშნული პროცესის განხორციელებაში ვიმედოვნებთ როგორც სახელმწიფო ასევე ადგილობრივი ხელისუფლების უპირობო მხარდაჭერას, რათა წარმატებულად შევძლოთ აღნიშნული რეფორმის ჩვენს ქალაქში გატარება.

ქ. ფოთის სკ. სააღმზრდელი გაერთიანების დირექტორი



გ. ლორთქიფანიძე